

摘藻堂四庫全書薈要

集部

欽定四庫全書薈要

集部

御定全唐詩卷六百九十

七
五至

詳校官原任主事_臣李斯咏

欽定四庫全書薈要卷一萬八千一百集部

御定全唐詩卷六百九十五

韋莊

字端已杜陵人見素之後疎曠不拘小節乾寧元
年進士授校書郎轉補闕李詢為兩川宣諭和協使
辟為判官以中原多故潛欲依王建建辟為掌書記尋
召為起居舍人建表留之後相建為平章事集二十卷
今編詩五卷補遺一卷

章臺夜思

清瑟怨遙夜，遶弦風雨哀。
孤燈聞楚角，殘月下章臺。
芳草已云暮，故人殊未來。
鄉書不可寄，秋雁又南迴。

延興門外作

芳草五陵道，美人金犢車。
綠奔穿內水，紅落過牆花。
馬足倦遊客，鳥聲歡酒家。
王孫歸去晚，宮樹欲棲鴉。

劉得仁墓

至公遺至藝，終抱至冤沉。
名有詩家業，身無戚里心。
桂

和秋露滴松帶夜風吟冥冥知春否墳蒿日已深

下第題青龍寺僧房

千蹄萬轂一枝芳要路無媒果自傷題柱未期歸蜀國
曳裾何處謁吳王馬嘶春陌金羈鬧鳥睡花林繡羽香
酒薄恨濃消不得却將惆悵問支郎

號州澗東村居作

東南騎馬出郊坰回首寒煙隔郡城清澗漲時翹鷺喜
綠桑疎處哺牛鳴兒童見少生於客奴僕驕多倨似兄

試望家田還自適滿畦秋水稻苗平

送日本國僧敬龍歸

扶桑已在渺茫中家在扶桑東更東此去與師誰共到
一船明月一帆風

對酒

何用巖棲隱姓名一壺春耐可忘形伯倫若有長生術

直一作應到如今醉未醒

尹喜宅

荒原秋殿柏蕭蕭何代風煙占寂寥紫氣已隨僊仗去
白雲空向帝鄉消濛濛暮雨春雞唱漠漠寒蕪雪兔跳
欲問靈蹤無處所十洲空闊閭山遙

途中望雨懷歸

滿空寒雨漫霏霏去路雲深鎖翠微牧豎遠當煙草立
飢禽閒傍渚田飛誰家樹壓紅榴折幾處籬懸白菌肥
對此不堪鄉外思荷蓑遙羨釣人歸

古離別

一作
多情

晴煙漠漠柳毵毵
不那離情酒半酣
更把玉鞭雲外指
斷腸春色在江南

柳谷道中作却寄

馬前紅葉正紛紛
馬上離情斷殺魂
曉發獨辭殘月店
暮程遙宿隔雲村
心如岳色留秦地
夢逐河聲出禹門
莫怪苦吟鞭拂地
有誰傾蓋待王孫

灞陵道中作

春橋南望水溶溶
一桁晴山倒碧峰
秦苑落花零露濕

灞陵新酒撥醅濃
青龍天矯盤雙闕
丹鳳襪褫隔九重
萬古行人離別地
不堪吟罷夕陽鐘

秋日早行

上馬

一作馬上

蕭蕭襟袖涼
路穿禾黍繞宮牆
半山殘月露華冷
一岼野風蓮萼香
煙外驛樓紅隱隱
渚邊雲樹暗蒼蒼
行人自是心如火
兔走烏飛不覺長

歎落花

一夜霏微露濕煙
曉來和淚喪嬋娟
不隨殘雪埋芳草

盡

一作又

逐香

一作春

風上舞筵西子去時遺笑靨謝娥行

處落金鈿飄紅墮白堪惆悵少別襍華又隔年

宮怨

一辭同輦閉昭陽耿耿寒宵禁漏長釵上翠禽應不返
鏡中紅艷豈重芳螢低夜色棲瑤草水咽秋聲傍粉牆
展轉令人思蜀賦解將惆悵感君王

關河道中

槐陌蟬聲柳市風驛樓高倚夕陽東往來千里路長在

聚散十年人不同，但見時光流。
似箭豈知天道曲，如弓平生志業匡。
堯舜又擬滄浪學釣翁。

題盤豆驛水館後軒

極目晴川展畫屏，地從桃塞接蒲城。
灘頭鷺占清波立，原上人侵落照耕。
去鴈數行天際沒，孤雲一點淨中生。
憑軒盡日不回首，楚水吳山無限情。

梁氏水齋

獨醉任騰騰，琴碁亦自能。
卷簾山對客，開戶犬迎僧。
看

蟻移苔穴聞蛙落石層
夜窓風雨急松外一菴燈

曲池

一作作

細雨曲池濱青袍草色新
詠詩行信馬戴酒喜逢人性
為無機率家因守道貧
若無詩自遣誰奈寂寥春

嘉會里閑居

豈知城闕內有地出紅塵
草占一方

一作坊

綠樹藏千古

春馬嘶遊寺客犬吠探花人
寂寂無鐘鼓槐行接紫宸

夏夜

傍水遷書榻開襟納夜涼
星繁愁晝執露重覺荷香
蛙吹鳴還息蛛羅滅又光
正吟秋興賦桐景下西牆

早發

早霧濃於雨田深黍稻低
出門雞未唱過客馬頻嘶
樹色遙藏店泉聲暗傍畦
獨吟三十里城月尚如珪

寓言

黃金日日銷還鑄仙桂年年折
又生兔走烏飛如未息
路塵終見泰山平

對雪獻薛常侍

瑤林瑤樹忽珊珊急帶西風下晚天
皓鶴襪毳飛不辨
玉山重疊凍相連松裝粉穗臨窓亞
水結冰錐簇溜懸
門外寒光利如劍莫推紅袖訴金船

題裴端公郊居

暫隨紅旆佐藩方高跡終期卧故鄉
已近水聲開澗戶
更侵山色架書堂蒲生岬脚青刀利
柳拂波心綠帶長
莫奪野人樵牧興白雲不識繡衣郎

登咸陽縣樓望雨

亂雲如獸出山前
細雨和風滿渭川
盡日空濛無所見
鴈行斜去字聯聯

貴公子

大道青樓御苑東
玉欄僊杏壓枝紅
金鈴犬吠梧桐月
朱鬣馬嘶楊柳風
流水帶花穿巷陌
夕陽和樹入簾櫳
瑤池宴罷歸來醉
笑說君王在月宮

聽趙秀才彈琴

滿匣冰泉咽又鳴
玉音閒澹入神清
巫山夜雨弦中起
湘水清波指下生
蜂簇野花吟細韻
蟬移高柳迸殘聲
不須更奏幽蘭曲
卓氏門前月正明

觀獵

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鷲翻錦翅雲中落
犬帶金鈴草上飛
直待四郊高鳥盡
掉鞍齊向國門歸

三堂東湖作

滿塘秋水碧泓澄十畝菱花晚鏡清景動新橋橫蝓蝓
岬鋪芳草睡鷓鴣蟾投夜魄當湖落嶽倒秋蓮入浪生
何處最添詩客興黃昏煙雨亂蛙聲

放榜日作

一聲天鼓闢金扉三十仙材上翠微葛水霧中龍乍變
緱山煙外鶴初飛鄒陽暖艷催花發太皞春光簇馬歸
迴首便辭塵土世彩雲新換六銖衣

寄薛先輩

懸知迴日綵衣榮
仙籍高標第一名
瑤樹帶風侵物冷
玉山和雨射人清
龍翻瀚海波濤壯
鶴出金籠燕雀驚
不說文章與門地
自然毛骨是公卿

訪含弘山僧不遇留題精舍

滿院桐花鳥雀喧
寂寥芳草茂芊芊
吾師正遇歸山日
閑客空題到寺年
池竹閉門教鶴守
琴書開篋任僧傳
人間不自尋行跡
一片孤雲在碧天

寄從兄遵

江上秋風正釣鱸九重天子夢翹車不將高臥邀劉主
自吐清談護漢儲滄海十年龍景斷碧雲千里雁行疎
相逢莫話歸山計明日東封待直廬

漁塘十六韻

在朱陽縣石嵒下古老
云洛水一派流出此山

洛水分餘脈

一作派

穿巖出石稜碧經嵐氣重清帶露華

澄瑩澈通三島巖梧

一作梧

積萬層巢由應共到劉阮想

同登僻峻苔如畫山昏霧似蒸撼松衣有雪題石硯生
冰路熟雲中客名留域外僧飢猿尋落橡鬪鼠墮高藤

嶮樹臨溪亞殘莎帶岼崩持竿聊藉草待月好垂簷對
景思任父開圖想不一作弗興晚風輕浪憂暮雨濕煙凝
似泛靈槎出如迎羽客昇仙源終不測勝概自相仍欲
別誠堪戀長歸又未能他時操史筆為爾著良稱

冬日長安感志寄獻虢州崔郎中二十韻

帝里無成久滯淹別家三度見新蟾却說丹桂無人指
阮藉青襟有淚霑溪上却思雲滿屋鏡中惟怕雪生鬢
病如原憲誰能療蹇似劉禎豈用占霧雨十年同隱遁

風雷何日振沈潛
嗟每被更聲引歌咏
還因酒思添
客舍正甘愁寂寂
郡樓遙想醉懨懨
已聞鈴閣懸新詔
即向綸闈副具瞻
濟物便同川上楫
慰心還似邑中黔
觀星始覺中郎貴
問俗方知太守廉
宅後綠波棲畫鷁
馬前紅袖簇丹旌
閒招好客斟香蟻
悶對瓊花詠散鹽
積凍慢封寒雷細
暮雲高拔遠峰尖
訟堂無事冰生印
水榭高唵月透簾
松下圍棋期褚胤
筆頭飛箭薦陶謙
未知匣劍何時躍
但恐鉛刀不再銛
雖有遠心長擁篲

恥將新劔學編古，纔驚素節移銅律。又見玄冥變玉籤，
百口似萍依廣岬。一身如燕戀高簷，如今正困風波力。
更向人中問宋織。

和薛先輩見寄初秋寓懷即事之作二十韻

玉律初移候清風，乍遠襟一聲蟬到耳。千炬火然心嶽
靜，雲堆翠樓高日半沈。引愁憎暮角驚夢，怯殘碁露白
凝。湘簟風篁韻蜀琴，鳥喧從果爛堦淨。任苔侵柿葉添
紅，景槐柯減綠。陰採珠逢寶窟，閱石見瑤林。魯殿鏗寒

玉苔山激碎金鄰堂流桂景陳巷集車音名自張華顯
詞因葛亮吟水深龍易失天遠鶴難尋鑒貌寧慚樂論
才豈謝任義心孤劔直學海怒濤深既覩文兼質翻疑
古在今慙聞紆綠綬即候挂朝簪晚樹連秋塢斜陽映
暮岑夜蟲方唧唧疲馬正駸駸託跡同吳燕依仁似越
禽會隨仙羽化香蟻且同斟

同舊韻

大火收殘暑清光漸惹襟謝莊千里思張翰五湖心暮

角迎風急孤鐘向暝沈
露滋三徑草日動四鄰
礎簟委班姬扇蟬悲蔡
琰琴方愁丹桂遠已怯
二毛侵甃石迴泉脉移
棋就竹陰觸絲蛛墮網
避隼鳥投林貌愧潘郎
壁文慙呂相金但埋艷
獄氣未發爨桐音靜笑
劉琨舞閑思阮籍吟野
花和雨斲怪石入雲尋
跡竟一作競終非

切一作幻

幽閒且自任趨時慙藝薄託質仰

一作負

恩深美

價方稀古清名已絕今既聞留縞帶詎肯擲著簪遲客
虛高閣迎僧出亂岑壯心徒戚戚逸足自駸駸安羨倉

中鼠危同幕上禽期君調鼎
爲他日俟羊斟

三用韻

素律初迴馭商飈暗觸襟
乍傷詩客思還動旅人心
蟬噪因風斷鱗遊見鷺沈
笛聲隨晚吹松韻激遙砧
地覆青袍草窗橫綠綺
琴煙霄難自致歲月易相侵
澗柳橫孤釣巖藤架密陰
瀟湘期釣侶鄆杜別家林
遺愧虞卿壁言依季布金
錚鏦聞郢唱次第發巴音
螢影衝簾落蟲聲擁砌吟
樓高思共釣寺遠想同尋
入夜愁難遣逢

秋恨莫任蝸遊苔徑滑鶴步翠塘深莫問榮華辱寧論
古與今固窮憐氣牖感舊惜蒿簪晚日舒霞綺遙天倚
黛岑鴛鴦方翹翹驥整駸駸未化投陂竹空思出谷
禽感多聊自遣桑落且閒斟

驚秋

不向煙波狎釣舟強親文墨事儒丘長安十二槐花陌
曾負秋風多少秋

登漢高廟閒眺

獨尋仙境上高原雲雨深藏古帝壇天畔晚峰青簇簇
檻前春樹碧團團參差郭外樓臺小斷續風中鼓角殘
一帶遠光何處水釣舟閑繫夕陽灘

耒陽縣浮山神廟

一郡皆傳此廟靈廟前松桂古今青山曾堯代浮洪水
地有唐臣奠綠醴遶坐香風吹寶蓋傍簷烟雨濕巖扃
為霖自可成農歲何用興師遠伐邢

愁

避愁愁又至愁至事難忘夜坐心中火朝為鬢上霜不
經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依砌長蒼苔厚藤抽紫蔓肥風
鶯移樹轉雨燕入樓飛不覺春光暮遠籬紅杏稀

三堂早春

獨倚危樓四望遙杏花春陌馬聲驕池邊冰刃暖初落
山上雪稜寒未銷溪送綠波穿郡宅日移紅影度村橋

主人年少多情味
笑換金龜解珥貂

御定全唐詩卷六百九十五

欽定四庫全書薈要卷一萬八千一百一

集部

御定全唐詩卷六百九十六

韋莊

雨霽晚眺

庚子年冬大
駕幸蜀後作

入谷路縈紆巖巔日欲晡
嶺雲寒埽蓋溪雪凍黏鬚
臥草跼如兔聽冰怯似狐
仍聞關外火昨夜徹皇都

立春日作

九重天子去蒙塵御柳無情依舊春
今日不關妃妾事

始知辜負馬嵬人

贈雲陽裴明府

南北三年一解攜，海為深谷岬為蹊。
已聞陳勝心降漢，誰為田橫國號齊。
暴客至今猶戰鶴，故人何處尚驅雞。
歸來能作煙波伴，我有魚一作舟在五溪。

賊中與蕭韋二秀才同臥重疾，二君尋愈，余獨加焉。恍惚之中，因有題。

與君同臥疾，獨我漸彌留。
弟妹不知處，兵戈殊未休。
胸

中疑晉豎耳下鬪殷牛縱有秦醫在懷鄉亦淚流

重圍中逢蕭校書

相逢俱此地此地是何鄉側目不成語撫心空自傷
劍高無鳥度樹暗有兵藏底事征西將年年戍洛陽

咸通

咸通時代物情奢歡殺金張許史家破產競留天上樂
鑄山爭買洞中花諸郎宴罷銀燈合僊子遊迴璧月斜
人意似知今日事急催弦管送年華

白櫻桃

一作于
鄂詩

王母堦前種幾株
水精簾外看如無
只應漢武金盤上
瀉得珊珊白露珠

夜景

滿庭松桂雨餘天
宋玉秋聲韻蜀弦
烏兔不知多世事
星辰長似太平年
誰家一笛吹殘暑
何處雙砧擣暮煙
欲把傷心問明月
素娥無語淚娟娟

宿山家

山行侵夜到雲竇一星燈草動蛇尋穴枝搖鼠上藤背
風開藥竈向月展漁罾明日前溪路煙蘿更幾層

長年

一作感懷

長年方悟少年非人道新詩勝舊詩十畝野塘留客釣
一軒春雨對僧碁花間醉任黃鶯語一作說亭上吟從白
鷺窺大盜不將爐冶去有心重築太平基

辛丑年

九衢漂杵已成川塞上黃雲戰馬閒但有羸兵填渭水

更無奇士出商山
田園已沒紅塵裏
弟妹相逢白刃間
西望翠華殊未返
淚痕空濕劔文斑

思歸

暖絲無力自悠揚
牽引東風斷客腸
外地見花終寂寞
異鄉聞樂更淒涼
一作
刺悲紅垂野岸櫻還熟
綠染汀草又芳
舊里若為歸去好
子期凋謝呂安亡

憶昔

昔年曾向五陵遊
子夜歌清月滿樓
銀燭樹前長似晝

露桃華裏

一作下

不知秋西園公子名無忌南國佳人號

莫愁今日亂離俱是夢夕陽唯見水東流

合歡蓮花

虞舜南巡去不歸二妃相誓死江湄空留萬古香魂在
結作雙葩合一枝

覽蕭必先卷

滿軸編新句翛然大雅風名因五字得命合一言通景
盡才難盡吟終意未終似逢曹與謝煙雨思何窮

和人歲宴旅舍見寄

積雪滿前除寒光夜皎如老憂新歲近貧覺故交疎
意合論文後心降得句初莫言常鬱鬱天道有盈虛

宿泊孟津寄三堂友人

鮮纜西征未有期槐花又逼桂花時鴻臚陌上歸耕晚
金馬門前獻賦遲只恐愁苗生兩鬢不堪離恨入雙眉
分明昨夜南池夢還把漁竿詠楚詞

對酒賦一作友人

贈

多病仍多感君心自我心浮生都是夢浩歎不如吟白
雪篇篇麗清醑盞盞深亂離俱老大強醉莫沾襟

天井關

太行山上雲深處誰向雲中築女牆短綆詎能垂玉甃
繚垣何用學金湯斲開嵐翠為高壘截斷雲霞作巨
防守吏不教飛鳥過赤眉何路到吾鄉

贈邊將

昔因征遠向金微馬出榆關一鳥飛萬里只携孤劍去

十年空逐塞鴻歸，手招都護新降虜。身著文皇舊賜衣，
只待烟塵報天子。滿頭霜雪為兵機。

一作壯心無事別無機

春日

忽覺東風

一作君

景漸遲，野梅山杏暗芳菲。落星樓上吹

殘角，偃月營中挂夕暉。旅夢亂隨蝴蝶散，離魂

一作情漸

逐杜鵑飛。紅塵遮斷長安陌，芳草王孫暮不歸。

早秋夜作

翠簟初清暑半銷，撤簾松韻送輕

一作風

颭。莎庭露永琴

書潤山郭月明砧杵遙傍砌綠苔鳴蟋蟀遶簷紅樹織
蟪蛄不須更作悲秋賦王粲辭家鬢已凋

寄江南逐客

二年音信阻湘潭花下相思酒半酣記得竹齋風雨夜
對床孤枕話江南

冬夜

睡覺寒爐酒半消客情鄉夢兩遙遙無人為我磨心劍
割斷愁腸一寸苗

又聞湖南荆渚相次陷沒

幾時聞唱凱旋歌處處屯兵未倒戈
天子只憑紅旆壯將軍空恃紫髯多
屍填漢水連荆阜血染湘雲接楚波
莫問流離南越事戰餘空有舊山河

家叔南遊却歸因獻賀

繚繞江南一歲歸歸來行色滿戎衣
長聞鳳詔徵兵急何事龍韜獻捷稀
旅夢遠依湘水闊離魂空伴越禽飛
遙知倚棹思家處澤國煙深暮雨微

楚行吟

章華臺下

一作上

草如煙故郢城頭月似弦惆悵楚宮雲

雨後露啼花笑一年年

洛陽吟

時大駕在蜀巢寇未平洛中寓居作七言

萬戶千門夕照邊開元時節舊風煙宮官試馬遊三市
舞女乘舟上九天胡騎北來空進主漢皇西去竟昇仙
如今父老偏垂淚不見承平四十年

過舊宅

華軒不見馬蕭蕭
廷尉門人久寂寥
朱檻翠樓為卜肆
玉欄僊杏作春樵
堦前雨落鴛鴦瓦
竹裏苔封蝶螻橋
莫問此中銷歇寺

一作事

娟娟紅淚滴芭蕉

喻東軍

四年龍馭守峨眉
鐵馬西來步步遲
五運未教移漢鼎
六韜何必待秦師
幾時鸞鳳歸丹闕
到處烏鳶從白旗
獨把一樽和淚酒
隔雲遙奠武侯祠

清河縣樓作

有客微吟獨凭樓
碧雲紅樹不勝愁
盤鵬迴印天心沒
遠水斜牽日脚流
千里戰塵連上苑
九江歸路隔東周
故人此地揚帆去
何處相思雪滿頭

北原閒眺

春城回首樹重重
立馬平原夕照中
五鳳灰殘金翠滅
六龍遊去市朝空
千年王氣浮清洛
萬古坤靈鎮碧嵩
欲問向來陵谷事
野桃無語淚花紅

贈戍兵

漢皇無事暫遊汾底事狐狸嘯作羣夜指碧天占晉分
曉磨孤劍望秦雲紅旌不卷風長急畫角閒吹日又曛
止竟有征須有戰洛陽何用久屯軍

觀軍迴戈

關中羣盜已心離關外猶聞羽檄飛御苑綠莎嘶戰馬
禁城寒月搥征衣漫教韓信兵塗地不及劉琨嘯解圍
昨日屯軍還夜遁滿車空載洛神歸

中渡晚眺

魏王堤畔草如煙，有客傷時獨扣舷。
妖氣欲昏唐社稷，夕陽空照漢山川。
千重碧樹籠春苑，萬縷紅霞襯碧天。
家寄杜陵歸不得，一迴回首一潸然。

河內別村業閒題

阮氏清風竹巷深，滿溪松竹似山陰。
門當谷路多樵客，地帶河聲足水禽。
閒伴爾曹雖適意，靜思吾道好霑襟。
鄰翁莫問傷時事，一曲高歌夕照沉。

聞官軍繼至未覩凱旋

嫖姚何日破重圍
秋草深來戰馬肥
已有孔明傳將略
更聞王導得神機
陣前鼙鼓晴應響
城上烏鳶飽不飛
何事小臣偏注目
帝鄉遙羨白雲歸

和集賢侯學士分司丁侍御秋日雨霽之作

洛岍秋晴夕照長
鳳樓龍闕倚清光
玉泉山淨雲初散
金谷樹多風正涼
席上客知蓬島路
坐中寒有柏臺霜
多慙十載遊梁士
却伴賓鴻入帝鄉

題安定張使君

器度風標合出塵，桂宮何負一枝新。
成丹始見金無滓，衝斗方知劍有神。
憤氣不銷頭上雪，政聲空布海邊春。
中興若繼開元事，堪向龍池作近臣。

潁陽縣

琴堂連少室，故事即僊蹤。
樹老風聲壯，山高臘候濃。
雪多庭有鹿，縣僻寺無鐘。
何處留詩客，茆簷倚後峰。

寄園林主人

主人常不在，春物為誰開。
桃艷紅將落，梨花雪又摧。
曉

鶯閒自轉遊客暮空回尚有餘芳在猶堪載酒來

洛北村居

十畝松篁百畝田歸來方屬大兵年巖邊石室低臨水
雲外嵐峰半入天鳥勢去投金谷樹鐘聲遙出上陽煙
無人說得中興事獨倚斜暉憶仲宣

對梨花贈皇甫秀才

林上梨花雪壓枝獨攀瓊艷不勝悲依前此地逢君處
還是去年今日時且戀殘陽留綺席莫推紅袖訴金卮

騰騰戰鼓正多事須信明朝難重持

立春

青帝東來日馭遲
煖煙輕逐曉風吹
罽袍公子樽前覺
錦帳佳人夢裏知
雪圃乍開紅菜甲
綵幡新翦一作展綠

楊絲殷勤為作

一作欲獻

宜春曲題向花牋帖繡楮

村笛

簫韶九奏韻淒鏘
曲度雖高調不傷
却見孤村明月夜
一聲牛笛斷人腸

題李斯傳

蜀魄湘魂萬古悲
未悲秦相死秦時
臨刑莫恨倉中鼠
上蔡東門去自遲

贈薛秀才

相辭因避世相見尚兵戈
亂後故人少別來新話多
但聞哀痛詔未覩凱旋歌
欲結巖棲伴何山好薜蘿

和元秀才別業書事

僻居春事好水曲亂花陰
浪過河移岬雛成鳥別林
綠

錢榆貫重紅障杏籬深莫飲宜城酒愁多醉易沈

紀村事

綠蔓映雙扉循牆一徑微雨多庭果爛稻熟渚禽肥釀
酒迎新社遥砧送暮暉數聲牛上笛何處餉田歸

題許僊師院

地古多喬木遊人到且吟院開金鎖澀門映綠篁深山
色不離眼鶴聲長在琴往來誰與熟乳鹿住前林

離筵訴酒

感君情重惜分離送我殷勤酒滿卮
不是不能判酌酹却憂前路醉醒時

不寐

不寐天將曉心勞轉似灰蚊吟頻到耳
鼠鬪競緣臺戶閣知蟾落林喧覺雨來
馬嘶朝客過知是禁門開

贈武處士

一身唯一室高靜若僧家掃地留疎影
穿池浸落霞綠蘿臨水合白道向村斜
賣藥歸來醉吟詩倚釣查

題吉澗盧拾遺莊

主人西遊去不歸滿溪春雨長
春薇怪來馬上詩

一作
許

情好印

一作
點

破青山白鷺飛

題潁源廟

曾是巢由棲隱地百川唯說潁源清
微波乍向雲根吐去浪遙衝雪嶂橫
萬木倚簷疎幹直羣峰當戶曉嵐晴
臨川試問堯年事猶被封人勸濯纓

東遊遠歸

扣角干名計已疎，
劔歌休恨食無魚。
辭家柳絮三春半，
臨路槐花七月初。
江上欲尋漁父醉，
日邊時得故人書。
青雲不識揚生面，
天子何由問子虛。

新正日商南道中作寄李明府

相看又見歲華新，
依舊揚朱拭淚巾。
踏雪偶因尋戴客，
論文還比聚星人。
嵩山不改千年色，
洛邑長生一路塵。
今日與君同避世，
却憐無事是家貧。

春暮

一春春事好，病酒起常遲。
流水綠縈砌，落花紅墮枝。
樓高喧乳燕，樹密鬪雛鷗。
不學山公醉，將何自解頤。

哭麻處士

却到歌吟地，閒門草色中。
百年流水盡，萬事落花空。
總帳扃一作寒秋月，詩樓鏤夜蟲。
少微何處墮，留恨白楊風。

春早

聞鶯纔覺曉，閉戶已知晴。
一帶窗閒月，一作日斜穿枕上

生一作明

和友人

閉

一作圭

門同隱士不出動經時靜閱王維畫閒翻褚脣

棋落泉當戶急殘月下窗遲却想從來意譙周亦自嗤

春愁

寓思本多傷逢春恨更長露霑湘竹淚花墮越梅妝睡
怯交加夢閒傾漱灑觴後庭人不到斜月上松篁

晚春

花開疑乍富花落似初貧萬物不如酒四時唯愛春峨

蛾秦氏髻皎皎洛川神風月應相笑年年醉病身

題許渾詩卷

江南才子許渾詩字字清新句句奇十斛明珠量不盡
惠林虛作碧雲詞

贈禮佛名者

何用辛勤禮佛名我從無得到真庭尋思六祖傳心印
可是從來讀藏經

殘花

一作于

鄴詩

和煙和露雪

一作雨太

離披金葉紅鬚尚滿枝十日笙歌一

宵夢苧蘿因

一作煙

雨失

一作哭

西施

御定全唐詩卷六百九十六

欽定四庫全書蒼要卷一萬八千一百二集部

御定全唐詩卷六百九十七

韋莊

上元縣

湖西作

南朝三十六英雄
角逐興亡盡此中
有國有家皆是夢
為龍為虎亦成空
殘花舊宅悲江令
落日青山弔謝公
止竟霸圖何物在
石麟無主臥秋風

江上逢史館李學士

前年分袂陝城西，醉凭征軒日欲低。
去浪指期魚必變，出門回首馬空嘶。
關河自此為征壘，城闕於今陷戰鼙。

時巢寇未平

誰謂世途陵是谷，燕來還識舊巢泥。

金陵圖

誰謂傷心畫不成，畫人心逐世人情。
君看六幅南朝事，老木寒雲滿故城。

謁蔣帝廟

建業城邊蔣帝祠，素髯清骨舊風姿。
江聲似激秦軍破，

山勢如匡晉祚危殘雪嶺頭明組練晚霞簷外簇旌旗
金陵客路方流落空祝回鑿奠酒卮

聞再幸梁洋

纔喜中原息戰輦又聞天子幸巴西延燒魏闕非關燕
大狩陳倉不為雞興慶玉龍寒自躍昭陵石馬夜空嘶
遙思萬里行宮夢太白山前月欲低

王道者

五雲遙指海中央金鼎曾傳肘後方三島路岐空有月

十洲花木不知霜因攜竹杖聞龍氣為使僊童帶橘香
應笑我曹身是夢白頭猶自學詩狂

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙窟
只似人間富貴家繡戶夜攢紅燭市舞衣晴曳碧天霞
却愁宴罷青蛾散揚子江頭月半斜

和侯秀才同友生泛舟溪中相招之作

嵇阮相將棹酒船晚風侵浪水侵舷輕如控鯉初離岍

遠似乘槎欲上天
雨外鳥歸吳苑樹
鏡中人入洞庭煙
憑君不用回舟疾
今夜西江月正圓

贈野童

羨爾無知野性真
亂搔蓬髮笑看人
間衝暮雨騎牛去
肯問中興社稷臣

代書寄馬

驅馳曾在五侯家
見說初生自渥洼
鬃白似披梁苑雪
頸肥如撲杏園花
休嫌綠綬嘶貧舍
好著紅纓入使衙

穩上雲衢千萬里年年長踏魏堤沙

題淮陰侯廟

滿把一作椒漿奠楚祠碧幢黃鉞舊英威能扶漢代成

王業忍見唐民陷戰機雲夢去時高鳥盡淮陰歸日故人稀如何不借平齊策空看長星落賊圍

送崔郎中往使西川行在

拜書辭玉帳萬里劔關長新馬杏花色綠袍春草香一身朝玉陛幾日過銅梁莫戀爐邊醉僊宮待侍郎

潤州顯濟閣曉望

清曉水如鏡，隔江人似鷗。
遠煙藏海島，初日照揚州。
地壯孫權氣，雲凝庾信愁。
一篷何處客，吟凭釣魚舟。

觀淝西府相畋遊

十里旌旗十萬兵，等閒遊獵出軍城。
紫袍日照金鵝鬪，紅旆風吹畫虎寧。
帶箭彩禽雲外落，避鵬寒兔月中驚。
歸來一路笙歌滿，更有僊娥載酒迎。

官莊

江南富民悉以犯酒沒家產，因此
詩諷之。淝帥遂改酒法，不入財產。

誰氏園林一簇煙
路人遙指盡長歎
桑田

一作林

稻澤今

無主新犯香醪
沒入官

解維

又解征帆落照中
暮程還過秣陵東

一作三

年辛苦煙

波裏贏得風姿似釣翁

雨霽池上作呈侯學士

鹿巾藜杖葛衣輕
雨歇池邊晚吹清
正是如今江上好

白鱗紅稻紫萸羹

寓言

為儒逢世亂，吾道欲何之。
學劍已應晚，歸山今又遲。
故人三載別，明月兩鄉悲。
惆悵滄江上，星星鬢有絲。

哭同舍崔員外

却到同遊地，三年一電光。
池塘春草在，風燭故人亡。
祭罷泉聲急，齋餘磬韻長。
碧天應有恨，斜日弔松篁。

題姑蘇凌處士莊

一簇林亭返照間，
門當官道不曾關。
花深遠岫黃鸝闌。

雨急春塘白鷺閒
載酒客尋吳苑寺
倚樓僧看洞庭山
怪來話得僊中事
新有人從物外還

過當塗縣

客過當塗縣
停車訪舊遊
謝公山有墅
李白酒無樓
采石花空發
烏江水自流
夕陽誰共感
寒鷺立汀洲

江亭酒醒却寄維揚錢客

別筵人散酒初醒
江步黃昏雨雪零
滿坐綺羅皆不見

覺來紅樹

一作燭

背銀屏

臺城

江雨霏霏江草齊
六朝如夢鳥空啼
無情最是臺城柳
依舊煙籠十里堤

贈漁翁

草衣荷笠鬢如霜
自說家編楚水陽
滿岸秋風吹枳橘
遶陂煙雨種菰蔴
蘆刀夜鱠紅鱗膩
水甌朝蒸紫芋香
曾向五湖期范蠡
爾來空閣久相忘

過揚州

當年人未識兵戈處處青樓夜夜歌
花發洞中春日永月明衣上好風多
淮王去後無雞犬煬帝歸來葬綺羅
二十四橋空寂寂綠楊摧折舊官河

寄右省李起居

已向鴛行接雁行便應雙拜紫薇郎
纔聞闕下徵書急已覺回朝草詔忙
白馬似憐朱紱貴綵衣遙惹御爐香
多慙十載遊梁客未換青襟侍素王

鐻白

白髮太無情朝朝鑷又生始因絲一縷漸至雪千莖不
避佳人笑唯慙稚子驚新年過半百猶歎未休兵

漳亭驛小櫻桃

一作
桃花

當年此樹正花開五馬僊郎載酒來李白已亡工部死
何人堪伴玉山頽

酬吳秀才雪川相送

一葉南浮去似飛楚鄉雲水本無依離心不忍聞春鳥
病眼何堪送落暉摻袂客從花下散棹舟人向鏡中歸

夫君別我應惆悵十五年來識素衣

對雨獨酌

榴花新釀綠於苔對雨閒傾滿滿杯
荷鍾醉翁真達者臥雲逋客竟悠哉
能詩豈是經時策愛酒原非命世才
門外綠蘿連洞口馬嘶應是步兵來

夏初與侯補闕江南有約同泛淮汴西赴行朝
莊自九驛路先至甬橋補闕由淮楚續至泗上
寢病旬日遽聞捐館回首悲慟因成長句四韻

弔之

已後自荆西遊汴宋路至陳倉迎
駕却過昭義相州路歸金陵作

本約同來謁帝闈，忽隨川浪去東奔。
九重聖主方虛席，千里高堂尚倚門。
世德只應榮伯仲，詩名終自付兒孫。
遙憐月落清淮上，寂寞何人弔旅魂。

汴堤行

欲上隋堤舉步遲，隔雲烽燧叫非時。
纔聞破虜將休馬，又道征遼再出師。
朝見西來為過客，暮看東去作浮屍。
綠楊千里無飛鳥，日落空投舊店基。

旅次甬西見兒童以竹槍紙旗戲為陣列主人
叟曰斯子也三世沒於陣思所襲祖父讐余因
感之

已聞三世沒軍營又見兒孫學戰爭見爾此言堪慟哭
遣子何日望時平

自孟津舟西上雨中作

秋煙漠漠雨濛濛不卷征颿任晚風百口寄安滄海上
一身逃難綠林中來時楚岬揚花白去日隋堤蓼穗紅

却到故園翻似客歸心迢遞秣陵東

含山店夢覺作

曾為

一作是

流離慣別家等閒揮袂客

一作各

天涯燈前一

覺江南夢惆悵起來山月斜

題貂黃嶺官軍

散騎蕭蕭下太行遠從吳會去陳倉斜風細雨江亭上

盡日凭欄憶楚

一作獨望鄉

過內黃縣

相州吹角欲斜陽
匹馬搖鞭宿內黃
僻縣不容投刺客
野陂時遇射鵰郎
雲中粉堞新城壘
店後荒郊舊戰場
猶指去程千萬里
秣陵煙樹在何鄉

雜感

莫悲建業荆榛滿
昔日繁華是帝京
莫愛廣陵臺榭好
也曾蕪沒作荒城
魚龍爵馬皆如夢
風月煙花豈有情
行客不勞頻悵望
古來朝市歎衰榮

垣縣山中尋李書記山居不遇留題河次店

白雲紅樹崕嶺一作繞嶺東名鳥羣飛古畫中僊吏不知何

處隱山南山北雨濛濛

送人遊并汾

風雨蕭蕭欲暮秋獨攜孤劍塞垣遊如今虜騎方南牧

莫過陰關第一州

李氏小池亭十二韻

時在婺州寄居作

積石亂巉巉庭莎綠不艾小橋低跨水危檻半依巖花

落魚爭啞櫻紅鳥競鷗

竹咸切鳥啄物也

引泉疏地脈掃絮積

山嵌古柳紅綃織新篁紫綺緘養猿秋嘯月放鶴夜棲
杉枕簟谿雲膩池塘海雨鹹語窗雞逞辨砥鼎犬偏饒
踏蘚青粘屐攀蘿綠映衫訪僧舟北渡貫酒日西銜遲客
登高閣題詩遶翠岫家藏何所寶清韻滿琅函

遣興

如幻如泡世多愁多病身亂來知酒聖貧去覺錢神異
國清明節空江寂寞春聲聲林上鳥喚我北歸秦

婺州和陸諫議將赴闕懷陽羨山居

望闕路仍遠子牟魂欲飛
道開燒藥鼎僧寄臥雲衣
故國饒芳草他山挂夕暉
東陽雖勝地王粲奈思歸

江上題所居

故人相別盡朝天苦竹江頭獨閉關
落日亂蟬蕭帝寺碧雲歸鳥謝家山
青州從事來偏熟泉布先生老漸慳
不是對花長酩酊永嘉時代不如閒

婺州屏居蒙右省王拾遺車枉降訪病中延候
不得因成寄謝

三年流落臥漳濱
王粲思家拭淚頻
畫角莫吹殘月夜
病心方憶故園春
自為江上樵蘇客
不識天邊侍從臣
怪得白鷗驚去盡
綠蘿門外有朱輪

將卜蘭芷村居留別郡中在仕

蘭芷江頭寄斷蓬
移家空載一颿風
伯倫嗜酒還因亂
平子歸田不為窮
避世漂零人境外
結茅依約畫屏中
從今隱去應難覓
深入蘆花作釣翁

和陸諫議避地寄東陽進退未決見寄

未歸天路紫雲深暫駐東陽歲月侵入洛聲華當世重
閱周章句滿朝吟開爐夜看黃芽鼎臥甕閒歌白玉簪
讀易草玄人不會憂君心是致君心

山墅閒題

灑逸前岡壓後岡一川桑柘好殘陽主人饋餉炊紅黍
鄰父攜竿釣紫魴靜極却嫌流水閒閒多翻笑野雲忙
有名不那無名客獨閉衡門避建康

江上逢故人

前年送我曲江西紅杏園中醉似泥今日逢君越溪上
杜鵑花發鷓鴣啼來時舊里人誰在別後滄波路幾迷
江畔玉樓多美酒仲宣懷土莫淒淒

旅中感遇寄呈李秘書昆仲

南望愁雲鎖翠微謝家樓閣雨霏霏劉楨病後新詩少
阮籍貧來好客稀猶喜故人天外至許將孤劍日邊歸
懷鄉不怕嚴陵笑只待秋風別釣磯

送范評事入關

寂寥門戶寡相親
日日頻來只有君
正喜琴尊長作伴
忽攜書劍遠辭羣
傷心柳色離亭見
聒耳蟬聲故國聞
為報明年杏園客
與留絕艷待終軍

東陽酒家贈別二絕句

送君同上酒家樓
酌酎翻成一笑休
正是落花饒悵望
醉鄉前路莫回頭

天涯方歎異鄉身
又向天涯別故人
明日五更孤店月

醉醒何處淚

一作各

霑巾

江上村居

本無踪跡戀柴扃，世亂須教識道情。
 顛倒夢魂愁裏得，撥竒詩句望中生。
 花緣艷絕栽難好，山為看多詠不成。
 聞道漢軍新破虜，使來仍說近離京。

江外思鄉

一作歸

年年春日異鄉悲，杜曲黃鶯可得知。
 更被夕陽江岸上，斷腸煙柳一絲絲。

和鄭拾遺秋日感事一百韻

禍亂天心厭流離客思傷有家拋上國無罪謫遐方負
笈將辭越揚颿欲泛湘避時難駐足感事易回腸雅道
何銷德妖星忽耀芒中原初縱燎下國竟探湯盜據三
秦地兵纏八水鄉戰塵輕犯闕羽旆遠巡梁自此修文
代俄成講武場熊羆驅涿鹿犀象走昆陽御馬迷新棧
宮娥改舊妝五丁功再覩八難事難忘鳳引金根疾兵
環玉弩彊建牙雖可恃摩壘詎能防霍廟神遐遠地橋
路杳茫出師威似虎禦敵狼如羊看畫猶思赤巾裁未

厭黃晨趨鳴鐵騎夜舞挹瓊觴僭侈彤襜亂誼呼繡髮
攘但聞爭曳組詎見學垂韉鵠印提新篆龍泉奪曉霜
軍威徒逗撓我武自維揚負宸勞天眷凝旒念國章繡
旗張畫獸寶馬躍紅鴛但欲除妖氣寧思蔽耿光曉煙
生帝里夜火入春坊鳥怪巢宮樹狐驕上苑牆設危終
在德視履豈無祥氣激雷霆怒神驅岳瀆忙功高分虎
節位下耻龍驤遍命登壇將巡封異姓王志求扶墜典
力未振頽網漢路閑鷓鴣雲衢駐驕驍寶裝軍器麗麇

裛戰袍香日覩兵書捷時聞虜騎亡人心驚獬豸雀意
伺螳螂上略咸推妙前鋒詎可當紆金光照耀執玉意
藏昂覆鍊非無謂奢華事每詳四民皆組綬九土墮耕
桑飛騎黃金勒香車翠鈿裝八珍羅膳府五采闕筐牀
宴集喧華第歌鐘簇畫梁永期傳子姓寧誤犯天狼未
覩君除側徒思玉在傍竄身奚可保易地喜相將國運
方夷險天心詎測量九流雖暫蔽三柄豈相妨小孽乖
躔次中興繫昊蒼灑堯功已普罪已德非涼帝念惟思

理臣心豈自違詔催青瑣容時待紫微郎定難輸宸算

勝災減

一作減

御梁皇恩思蕩蕩睿澤轉洋洋偃臥雖非

晚艱難亦備嘗舜庭招諫鼓漢殿上書囊儉德遵三尺

清朝侯一匡世隨漁父醉身效接輿狂竄逐同天寶遭

罹異建康道孤悲海澨家遠隔天潢卒歲貧無褐經秋

病泛漳似魚甘去乙比蟹未成筐守道慙無補趨時愧

不臧殷牛常在耳晉豎欲潛育怛恨山思板懷歸海欲

航角吹魂悄悄笛引淚浪浪亂覺乾坤窄貧知日月長

勢將隨鶴列，忽喜遇鴛行。已報新回駕，仍聞近納隍。文
風銷劍楯，禮物換旂裳。紫闥重開序，青衿再設庠。黑頭
期命爵，頰尾尚憂魴。吳坂嘶騏驥，岐山集鳳皇。詞源波
浩浩，諫署玉鏘鏘。飼雀曾傳慶，烹蛇詎有殃。弋揮一作

禪

勁鏃匣，劍淬神銜。諤諤寧慙直，堂堂不謝張。曉風趨

建禮，夜月直文昌。去國時雖久，安邦志不常。良金鑪自
躍，美玉積難藏。北望心如旆，西歸律變商。跡隨江燕去，
心逐塞鴻翔。晚翠籠桑塢，斜暉挂竹堂。路愁千里月，田

愛萬斯箱伴釣歌前浦隨樵上遠岡鷺眠依晚嶼鳥浴
上枯楊驚夢綠歌枕多吟為倚廊訪僧紅葉寺題句白
雲房颿外青楓老尊前紫菊芳夜燈耿耿曉露玉灑
灑異國慙傾蓋歸塗俟併糧身雖留震澤心已過雷塘
執友知誰在家山各已荒海邊登桂檝煙外泛雲檣巢
樹禽思越嘶風馬戀羌寒聲愁聽杵空館厭聞蟹望闕
飛華蓋趨朝振玉璫米慙無意苴麵喜有枕榔話別心
重結傷時淚一滂佇歸蓬島後綸詔潤青絳

夢入關

夢中乘傳過關亭南望蓮峰簇簇青馬上正吟歸去好
覺來江月滿前庭

送人歸上國

送君江上日西斜泣向江邊滿樹花若見青雲舊相識
為言流落在天涯

聞春鳥

雲晴春鳥滿江村還似長安舊日聞紅杏花前應笑我

我今顛顛亦

一作却

羞君

櫻桃樹

記得初生

一作開

雪滿枝和蜂和蝶帶花移而今花落遊

蜂去空作主人惆悵詩

獨鶴

夕陽灘上立
乘回紅蓼風前雪翅開
應為不知棲宿處
幾回飛去又飛來

新栽竹

寂寞堦前見此君，
遶欄吟罷却沾巾。
異鄉流落誰相識，
唯有叢篁似一作伴主人。

稻田

綠波春浪滿前陂，
極目連雲襪稔肥。
更被鷺鷥千點雪，
破煙來入畫屏飛。

庭前菊

為憶長安爛漫開，
我今移爾滿庭栽。
紅蘭莫笑青青色，
曾向龍山泛酒來。

燕來

去歲辭巢別近鄰
今來空訝草堂新
花開對語應相問
不是村中舊主人

倚柴關

杖策無言獨倚關
如癡如醉又如閒
孤吟盡日何人會
依約前山似故山

題七步廊

席一作杜門無計那一作奈
殘陽更接簷前七步廊
不羨東

都丞相宅每行吟得好篇章

語松竹

庭前芳草綠於

一作如

袍堂上詩人欲二毛多病不禁秋


寂寞雨松風竹莫騷騷

御定全唐詩卷六百九十七

謹案卷六百九十六第三頁前六行大盜不將爐
冶去按原集大盜作大道

第七頁後三行娟娟紅淚滴芭蕉按原集滴作泣
第十頁後三行歸來方屬大兵年按原集大兵作

太平



總校官庶吉士臣張能照

校對官庶吉士臣許兆椿

謄錄監生臣李真滋

欽定四庫全書薈要卷一萬八千一百三

集部

御定全唐詩卷六百九十八

韋莊

不出院楚公

自三衢至江西作

禪關閉心猿日漸馴不知城郭路稀識市朝人履帶堦前雪衣無寺外塵却嫌山翠好詩客往來頻

江邊吟

江邊烽燧幾時休江上行人雪滿頭誰信亂離花不見

只應惆悵水東流
陶潛政事千杯酒
張翰生涯一葉舟
若有片颿歸去好
可堪重倚仲宣樓

江南送李明府入關

雨花煙柳傍江邨
流落天涯酒一罇
分首不辭多下淚
回頭唯恐更消魂
我為孟館三千客
君繼寧王五代孫
正是中興磐石重
莫將顛顛入都門

送福州王先輩南歸

豫章城下偶相逢
自說今方遇至公
八韻賦吟梁苑雪

六銖衣惹杏園風名標玉籍僊壇上家寄閩山畫障中
明日一杯何處別綠楊煙岼雨濛濛

夜雪泛舟遊南溪

大江西面小溪斜入竹穿松似若耶兩岼巖風吹玉樹
一灘明月曬一作照銀砂因尋野渡逢漁舍更泊前灣上
酒家去去不知歸路遠棹聲煙裏獨嘔啞

江行西望

西望長安白日遙半年無事駐蘭橈欲將張翰秋一作松

江雨畫作屏風寄鮑昭

銅儀

銅儀一夜變葭灰暖律還吹嶺上梅已喜漢官今再覩
更驚堯歷又重開窗中遠岫青如黛門外長江綠似苔
誰念閉關張仲蔚滿庭春雨長蒿萊

含香

含香高步已難陪鶴到清霄勢未回遇物旋添芳草句
逢春寧滯碧雲才微紅幾處花心吐嫩綠誰家柳眼開

却去金鑿為近侍，便辭鷗鳥不歸來。

春雲

春雲春水兩溶溶，倚郭樓臺晚翠濃。
山好只因人化石，地靈曾有劍為龍。
官辭鳳闕頻經歲，家住峨眉第幾峰。
王粲不知多少恨，夕陽吟斷一聲鐘。

雲散

雲散天邊落照和，關關春樹鳥聲多。
劉伶避世唯沈醉，甯戚傷時亦浩歌。
已恨歲華添皎鏡，更悲人事逐頽波。

青雲自有鷓鴣待莫說他山好薜蘿

袁州作

家家生計只琴書一郡清風似魯儒
山色東南連紫府水聲西北屬洪都
煙霞盡入新詩卷郭邑閒開古畫圖
正是江村春酒熟更聞春鳥勸提壺

題袁州謝秀才所居

主人年少已能詩更有松軒挂夕暉
芳草似袍連徑合白雲如鳥傍簷飛
但將竹葉消春恨莫遣楊花上客衣

若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香山色未能忘宋王
水聲猶似哭襄王朝朝暮暮陽臺下為雨為雲楚國亡
惆悵廟前無限柳春來空鬪畫眉長

鷓鴣

南禽無侶似相依錦翅雙雙傍馬飛孤竹廟前啼暮雨
汨羅祠一作江畔弔殘暉秦人只解歌為曲越女空能畫

作衣懊惱澤家非

一作
知

有恨年年長憶鳳城

一作
皇

歸

懊
惱

澤家鷓鴣
之音也

宿蓬船

夜來江雨宿蓬船
臥聽淋鈴不忍眠
却憶紫微情調逸
阻風中酒過年年

送李秀才歸荆溪

八月中秋月正圓
送君吟上木蘭船
人言格調勝玄度
我愛篇章敵浪仙
晚渡去時衝細雨
夜灘何處宿寒烟

楚王宮去陽臺近莫倚風流滯少年

洪州送西明寺省上人遊福建

記得初騎竹馬年送師來往御溝邊
荆榛已失當時路槐柳全無舊日煙
遠自嵇山遊楚澤又從廬岳去闕川
新春闕下應相見紅杏花中覓酒僊

建昌渡暝吟

月照臨官渡鄉情獨浩然鳥棲彭蠡樹
月上建昌船市散漁翁醉樓深賈客眠
隔江何處笛吹斷綠楊煙

歲除對王秀才作

我惜今宵促君愁玉漏頻
豈知新歲酒猶作異鄉身
雪向寅前凍花從子後春
到明追此會俱是隔年人

酒渴愛江清

酒渴何方療江波一掬清
瀉甌如練色漱齒作泉聲
味帶他山雪光含白露精
只應千古後長稱伯倫情

和李秀才郊墅早春吟興十韻

暖律變寒光東君景漸長
我悲遊海嶠君說住柴桑
雪

色隨高嶽冰聲陷古塘草根微吐翠梅朶半含霜酒市
多逋客漁家足夜航匡廬雲傍屋彭蠡浪衝牀綠擺揚
枝嫩紅挑菜甲香鳳皇城已盡鸚鵡賦應狂佇見龍辭
沼寧憂雁失行不應雙劍氣長在斗牛傍

泛鄱陽湖

四顧無邊鳥不飛大波驚隔楚山微紛紛雨外靈均過
瑟瑟雲中帝子歸迸鯉似梭投遠浪小舟如葉傍斜暉
鷗夷去後何人到愛者雖多見者稀

黃藤山下聞猿

黃藤山下駐歸程，一夜號猿弔旅情。
入耳便能生百恨，斷腸何必待三聲。
穿雲宿處人難見，望月啼時兔正明。
好笑五陵年少客，壯心無事也沾纓。

章江作

杜陵歸客正衰回，玉笛誰家叫落梅。
之子棹從天外去，故人書自日邊來。
揚花慢惹霏霏雨，竹葉閒傾滿滿杯。
欲問維揚一作舊風月，一江紅樹亂猿哀。

旌陽

南遊富陽江中作

南去又南去此行非自期
一颿雲作伴千里月相隨
浪跡花應笑衰容鏡每知
鄉園不可問禾黍正離離

饒州餘干縣琵琶洲有故韓賓客宣城裴尚書
脩行李侍郎舊居遺址猶存客有過之感舊因

以和吟

琵琶洲近斗牛星
鸞鳳曾於此放情
已覺地靈因昴降
更聞川嶺有珠生
一灘紅樹留佳氣
萬古清弦續政聲

戟戶盡移天上去，里人空說舊簪纓。

九江逢盧員外

前年風月宿琴堂，大壑僊山近帝鄉。
別後幾沾新雨露，亂來猶記舊篇章。
陶潛豈是銅符吏，田鳳終為錦帳郎。
莫怪相逢倍惆悵，九江煙月似瀟湘。

南昌晚眺

南昌城郭枕江煙，章水悠悠浪拍天。
芳草綠遮僊尉宅，落霞紅襯賈人船。
霏霏閣上千山雨，嘒嘒雲中萬樹蟬。

怪得地多章句客
庾家樓在斗牛邊

衢州江上別李秀才

千山紅樹萬山雲
把酒相看日又曛
一曲離歌兩行淚

更知何地

一作處

再逢君

湘中作

千重煙樹萬重波
因便何妨弔汨羅
楚地不知秦地亂
南人空怪北人多
臣心未肯教遷鼎
天道還應欲止戈
否去泰來終可待
夜寒休唱飯牛歌

桐廬縣作

錢塘江盡到桐廬水碧山青畫不如白羽鳥飛嚴子瀨
綠蓑人釣季鷹魚潭心倒影時開合谷口閒雲自卷舒
此境只應詞客愛投文空弔木玄虛

東陽贈別

繡袍公子出旌旗送我搖鞭入翠微大抵行人難訴酒
就中辭客易沾衣去時此地題橋去歸日何年佩印歸
無限別情言不得回看溪柳恨依依

寄湖州舍弟

半年江上愴離襟，把得新詩喜又吟。
多病似逢秦氏藥，久貧如得顧家金。
雲煙但有穿揚志，塵土多無作吏心。
何況別來詞轉麗，不愁明代少知音。

信州西三十里山名僊人城下有月巖山其狀
秀拔中有山門如滿月之狀余因行役過其下
聊賦是詩

驅車過閩越路出饒陽西僊山翠如畫簇簇生虹蜺羣

峰若侍從衆，阜如嬰提巖。巖巒互吞吐，嶺岫相追攜。中有
月輪滿皎潔，如圓珪玉皇。恣遊覽到此，神應迷常娥。曳
霞帔，引我同攀躋。騰騰上天半，玉鏡懸飛梯。瑤池何悄悄，鸞
鶴煙中棲。回頭望塵世，露下寒淒淒。

婺州水館重陽日作

異國逢佳節，憑高獨苦吟。一杯今日醉，一作酒萬里故園

心。水館紅蘭合，山城紫菊深。白衣雖不至，鷗鳥自相尋。

避地越中作

避世移家遠天涯歲已周豈知今夜月還是去年愁露
果珠沈水風螢燭上樓傷心潘騎省華髮不禁秋

撫州江口雨中作

江上閒衝細雨行滿衣風灑綠荷聲金騮掉尾橫鞭望
猶指廬陵半日程

信州溪岸夜吟作

夜倚臨溪店懷鄉獨苦吟月當山頂出星倚水湄沈霧
氣漁燈冷鐘聲谷寺深一城人悄悄琪樹宿僊禽

訪潯陽友人不遇

不見安期悔上樓
寂寥人對鷺鷥愁
蘆花雨急江煙暝
何處潺潺獨棹舟

東林寺再遇僧益大德

見師初事懿皇朝
三殿歸來白馬驕
上講每教傾國聽
承恩偏得內官饒
當時可愛人如畫
今日相逢鬢已凋
若向君門逢舊友
為傳音信到雲霄

西塞山下作

西塞山前水似藍，亂雲如絮滿澄潭。
孤峰漸映盃城北，片月斜生夢澤南。
巽動曉煙烹紫蕨，露和香蒂摘黃柑。
他年却棹扁舟去，終傍蘆花結一菴。

齊安郡

彌棹齊安郡，孤城百戰殘。
傍村林有虎，帶郭縣無官。
暮角梅花怨，清江桂影寒。
黍離緣底事，撩我起長歎。

夏口行寄婺州諸弟

回頭煙樹各天涯，婺女星邊遠寄家。
盡眼楚波連夢澤，

滿衣春雪落江花
雙雙得伴爭如雁
一一歸巢却羨鷓
誰道我隨張博望
悠悠空外泛僂槎

南省伴直

甲寅年自江南到京後作

文昌二十四僂曹
盡倚紅簷種露桃
一洞煙霞人迹少
六行槐柳鳥聲高
星分夜彩寒侵帳
蘭惹春香綠映袍
何事愛留詩客宿
滿庭風雨竹蕭騷

鄠杜舊居二首

却到山陽事事非
谷雲谿鳥尚相依
阮咸貧去田園盡

向秀歸來父老稀
秋雨幾家紅稻熟
野塘何處錦鱗肥
年年為獻東堂策
長是蘆花別釣磯

一徑尋村渡碧溪
稻花香澤水千畦
雲中寺遠磬難識
竹裏巢深鳥易迷
紫菊亂開連井合
紅榴初綻拂簷低
歸來滿把如澆酒
何用傷時歎鳳兮

寄江南諸弟

萬里逢歸雁
鄉書忍淚封
吾身不自保
爾道各何從
性拙唯多蹇
家貧半為慵
祇思溪影上
臥看玉華峰

投寄舊知

却將顛顛入都門自喜青霄足故人萬里有家留百越
十年無路到三秦摧殘不是當時貌流落空餘舊日貧
多謝青雲好知己莫教歸去重沾巾

癸丑年下第獻新先輩

五更殘月省牆邊絳旆蜺旌卓曉煙千炬火中鶩出谷
一聲鐘後鶴冲天皆乘駿馬先歸

一作爭先

去獨被羸童笑

晚眠對酒暫時情豁爾見花依舊涕潸然未酬闕澤傭

書債猶欠君平賣卜錢何事欲休休不得來年公道似今年

題汧陽縣馬跑泉李學士別業

水滿寒塘菊滿籬籬邊無限彩禽飛西園夜雨紅櫻熟
南畝清風白稻肥草色自留閒客住泉聲如待主人歸
九霄岐路忙於火肯戀斜陽守釣磯

絳州過夏留獻鄭尚書

朝朝沈醉引金船不覺西風滿樹蟬光景暗消銀燭下

夢魂長寄玉輪邊
因循每被時流誚
奮發須由國士憐
明月客腸何處斷
綠槐風裏獨揚鞭

綏州作

雕陰無樹水難

一作南

流雉堞連雲古
帝州帶雨晚馳鳴

遠戍望鄉孤客倚
高樓明妃去日花
應笑蔡琰歸時鬢
已秋一曲單于暮
烽起扶蘇城上月
如鉤

御定全唐詩卷六百九十八